

御纂醫宗金鑑卷三

編輯外科心法要訣目錄

頭部

百會疽

透腦疽

侵腦疽

佛頂疽

額疽

勇疽

鬢疽

天疽銳毒

耳後疽

耳發

耳根毒

心枕疽

腦後發

腦發

油風

白屑風

禿瘡

蟻蝨癬

髮際瘡

面部

顴瘍

顴疽

顴疔

面發毒

面遊風

疔腮

頰瘍

骨槽風

發頤

時毒

鳳眉瘡

眉心疔

龍泉疽

燕窩瘡

黑痣

虎鬚毒

雀斑

黧黑疔

編輯外科心法要訣

百會疽圖

百會穴在頂中央百骨間觀之其骨尖



頭部

百會疽

百會疽在巔頂結經屬督脈百會穴初如粟米漸如錢甚似葡萄堅似鐵高腫熱實清毒火平場陽虛溫補怯腫連耳項動痰聲七日不潰命必絕

註

此百會疽又名玉頂發生在巔頂正中屬督脈經百會穴由膏梁太過火毒凝結而成初起形如粟米漸腫根大如錢甚則形似葡萄堅硬如鐵高尖紅腫焮熱疼痛瘡根收束憎寒壯熱大渴隨飲隨乾口苦唇焦便秘煩躁脈見洪數者此屬氣實宜服黃連消毒飲以清毒火外敷冲和膏

若漫腫平塌紫暗堅硬舉痛根散惡寒便瀉脈見細數者
此屬陽虛宜服十全大補湯以溫補之外敷回陽玉龍膏
若面赤過煩口乾不渴唇潤者此屬陽虛浮泛宜服桂附
地黃丸引火歸源更用生附子餅置兩足心涌泉穴各灸
五壯以洩其毒初起貼琥珀膏已潰糝黃靈藥太乙膏蓋
貼腐盡再易生肌之藥治之若腫連耳項痰如拽鋸七日
無膿不潰神昏者命必絕矣

黃連消毒飲

蘇木 二分

甘草 三分

陳皮 一分

桔梗 五分

黃芩 五分

黃蘗 五分

人參 三分

藁本 五分

防已 五分

防風 四分

知母 四分

羌活 一分

獨活 四分

連翹 四分

黃連 一錢

生地黄 四分

黃芩 二錢

澤瀉 二分

當歸尾 四分

水煎食遠溫服

方歌黃連消毒清毒火諸般火證服最良蘇木甘草陳皮桔苓

藥人參藁二防知母羌活獨活等連翹黃連生地黄黃芩

澤瀉當歸尾服後最忌飲寒涼

冲和膏

回陽玉龍膏 俱見腫瘍門

生肌散

十全大補湯

黃靈藥

太乙膏 俱見潰瘍門

桂附地黄丸

附子餅 見前灸法

琥珀膏 見後髮際瘡

透腦侵腦疽圖

透腦疽生在百會穴前額會穴前



侵腦疽生在透腦疽前側下五處

透腦疽

透腦疽生百會前形如雞子痛而堅軟漫膿稀虛塌陷紅硬膿

稠實腫尖

註

此證生於百會穴之前額門之際亦由督脈經火毒而成

初如粟米漸如雞子堅硬疼痛瘡頂塌陷根脚漫腫色暗

者屬虛若色紅腫硬頂尖膿稠者屬實速潰者順遲潰透

腦髓者逆其腫潰內外治法俱按百會疽

侵腦疽

侵腦疽生透腦旁濕火攻發屬太陽穴各五處知其位紅順紫

逆要審詳

御纂醫宗金鑑

卷三

編醫科小傳要訣

日

小

註

此疽生於透腦疽側下由太陽膀胱經濕火而成穴名五
處紅腫高起焮熱疼痛膿色如蒼蠟者屬氣血俱實順而
易治若紫陷無膿根脚散大者屬氣血兩虛逆而難治初
起宜服荆防敗毒散汗之次服內疎黃連湯下之將潰服
托裏透膿湯已潰服托裏排膿湯外貼琥珀膏圍敷沖和
膏其餘內外治法俱按癰疽潰瘍門

托裏透膿湯

人參

白朮

土炒

穿山甲

炒研

白芷

各一錢

升麻

甘草節

各五分

當歸

二錢

生黃耆

三錢

皂角刺

一錢五分

青皮五分炒

水三鍾煎一鍾病在上部先飲煮酒一鍾後熱服此藥病

在下部先服藥後飲酒瘡在中部藥內兌酒半鍾熱服

方歌托裏透膿治癰疽已成未潰服之宜參朮甲芷升麻草當

歸黃耆刺青皮

荆防敗毒散見項部腦疽

丙疎黃連湯

冲和膏俱見腫瘍門

托裏排膿湯見項部魚尾毒

琥珀膏見髮際瘡內

佛頂疽圖



佛頂疽生在透腦之前上星穴

佛頂疽

佛頂疽屬督上星陰陽不調毒熱成不論虛實皆險證潰爛黑陷必然凶

註

此證一名頂門疽生於頭頂顙門之前屬督脈經上星穴由藏府陰陽不調熱毒上壅而成色紫堅硬腫痛脈洪大而數者爲實脈微細而數者爲虛皆屬險證若潰爛黑陷六脈散大神昏譫語二便閉結者爲逆首尾內外治法俱按百會疽

圖

疽

額

疽 額

傍額疽

傍額疽



額疽

額疽生額火毒成左右膀胱正督經頂陷焦紫無膿重高聳根收紅腫輕

註

此證生前額正中者屬督岷經或生左右額角者屬膀胱經總由火毒而成初起瘡頂塌陷乾焦色紫不生大膿者其勢重而屬險也若紅腫高聳瘡根收束者其勢輕而屬順也初服荆防敗毒散汗之次服仙方活命飲消之將潰氣虛者宜服托裏透膿湯氣實者宜服透膿散外敷冲和膏已潰宜服托裏排膿湯外貼琥珀膏其餘內外治法俱按癰疽潰瘍門